

साहित्यकार सुवर्णकेशरी व पुष्प चित्रकारया मतिनाया बाखं



केशरमान ताम्राकार

मतिना याइपिसं मतिनायात कयाः थीथी कथंया नुगःखँ तइ। मतिनाया परिभाषा बी। थनिं न्ययन्हयदँ न्ह्यः मतिनाय् तकर्यापि नेपालभाषाया निम्ह नांजाःपिं साहित्यकार भाजु मय्जुपिं खः - पुष्पबहादुर चित्रकार व सुवर्णकेशरी चित्रकार।

भाजु चित्रकार मतिनायात कयाः थःगु धारणा थुक्थं तयादी- जीवन आस्था, विश्वास, सद्भाव, माया, ममता दुसुलाः जीवन न्ह्याकेगु आजुया उद्गम खः- मतिना। न्ह्याम्हेसिकें दइगु स्वाभाविक शास्वत खः। अथे हे वय् कःया तिरिमय्जुं मतिनायात कयाः थःगु नुगःखँ थथे तयादी- मतिना छुं नं कथंया भौतिक वस्तु मखु। थ्व छगू भावपूर्ण स्वापू (सम्बन्ध) खः। छम्ह मेम्ह प्रति माया, करुणा, निःस्वार्थ विश्वास भय्बिउगु आत्मिय स्वापू ब्वलनाः जीवन न्ह्याका यंकाच्चनीगु हे मतिना खः।

यँया तसकं नांजाःगु त्रिचन्द्र कलेजय् वय् कःपिं ब्वनादीगु जुयाच्चन। सन् १९६१ अगस्ट पाखे। पुष्प चित्रकार आइया विद्यार्थी खःसा सुवर्णकेशरी आइएस्सीया विद्यार्थी जुल। उगु इलय् इन्टरमिडियट लेभलय् ऐच्छिक विषय कथं नेपालभाषा कयाः ब्वने दु। ऐच्छिक विषय निम्हेस्यां नेपालभाषा ल्यल। निम्ह नेपालभाषाया छगू हे क्लासय्। थुकिं सीदु उबलय्निसें वय्कःपिं निम्ह नेपालभाषा प्रति भुकाव दुपिं खः। दकलय् न्हापां वय्कःपिं छम्ह मेम्हेसित खंगु धयागु नेपालभाषाया कक्षाय् खः। नतुसुतु मदु। मिखां मिखां जक खन। मतिनाया खँ ला गन गन उमिगु नुगलय्।

नेपालभाषा ब्वनाच्चंगु इलय् त्रिचन्द्र कलेज कलेजया हिरक जयन्ती न्यायेकेगु व 'ज्योति' पत्रिका पिथनेगु खँय् प्रत्येक विद्यार्थी पाखें २५० तका बीमाःगु सुचं लिसें उगु पत्रिकाय् खँय् भाय् व अंग्रेजी भाय्या च्वसुयात जक थाय् बीगु खँ वयेवं पुष्प चित्रकार लिसें नेपालभाषा ब्वनाच्चपिं विद्यार्थीतय्सं सह याये मफुत। भाय्यात कयाः प्रिन्सिपलयाथाय् डेलिगेशन वन। छगू कथं विद्रोह जुल। थुगु विद्रोह आन्दोलनया कमिटीइ सुवर्णकेशरी नं दुथ्याः। थ्व हे आन्दोलनया पलाः हे पुष्प चित्रकार व सुवर्णकेशरीयात सतिक हयेगु न्हापांगु पलाः जुल।

वय्कःपिनिगु आन्दोलन कलेज हिरक जयन्ति याये मफुत। आन्दोलन तसकं सफल जुल। अनं निसें वय्कःपिं भंभं सतिना वन। सतिना वल्लिसे खँल्हाबल्हा न्हापा स्वयाः अप्वः जुयावन। थुगु इलय् सुवर्णकेशरी बाखं च्वयेगु ज्या न्ह्याके धुंक्क जुयाच्चन। अले वय्कल थम्ह च्वयागु बाखं पुष्प चित्रकारयात क्यनेत, दयेकेत बीगु जुयाच्चन। पुष्प थम्ह फूचाः कथं सल्हा साहुती बीगु जुयाच्चन। थुलिइ जक सीमित मजुसे छँय् तकं वये वनेगु जुल। उपिं निम्ह खँ ब्याःपिं पासा जुयावन। पुष्प चित्रकार धाइगु खँय् सुवर्णकेशरी न्ह्याबलें बांलाःगु मिखां स्वयाहयेगु यानाहल। उमि दथुइ नुगः



दासि वःसां मतिनाया खँ मजु।

पुष्प चित्रकारया नुगलय् मचायेक सुवर्णकेशरीप्रति स्नेहभाव दनावल। मतिनां चुलि काल। अथेहे सुवर्ण केशरी पुष्प चित्रकार थः मां मफुबलय् छम्ह कायमचां जुयाः नं म्हाय्मचां स्वयाः नं बांलाक सुसाःकुसाः यानाच्चनादीगु खनाः तसकं अजु चाल। थज्याःगु लु गबलें सुवर्ण केशरी थःगु छँय् मखं। उलि जक मखु छन्दु सुवर्णकेशरीया मांया चिपाःगु फोटो स्वयाः तपाः जुइक चिकं रंग च्वयाः बीहःबलय् सुवर्ण केशरी पुष्प चित्रकारयात छम्ह आदर्शवान व मुदुभाषी, कर्मठ व्यक्ति हे खः धयाथें वय्कःप्रति आस्थाभाव ब्वलंका हल। थुकिं सीदु भाजु पुष्प चित्रकार मिस्तय् नुगः ब्वनेगु व नायेकेगुली छम्ह पोख्तम्ह साहित्यकार जक मखु, चित्रकार नं खः।

नुगलं नुगः यल उमि। म्हुतुं खँवः मब्बं। आःयापिं ल्याय्मह ल्यासेतय्सं थें 'आइ लभ यु, आइ लभ यु टु' धायेफुगु मखु। मतिनाय् तकर्यापिनि दकलय् ग्यानापुगु क्षण धयागु हे मतिनाया प्रस्ताव तयेगु क्षण खः। यक्व मतिनामित मतिना प्रस्ताव तयाः वइबलय् लिसः 'जिं ला उकथं स्वयागु मदु, जिं ला दाइ कथं जक स्वयागु खः, जिं ला केहँ कथं जक स्वयागु खः' धयागु लिसः वइगु। अज्याःगु लिसः वलकि प्रस्ताव तःम्ह फेल जुइ धयाथें पुष्प चित्रकार ग्यानाच्चनादीगु जुयाच्चन।

उखे मचांनिसें मांभौ मदुम्ह सुवर्णकेशरी धाःसा सःसःथे बाखं च्वयाः सुदर्शन भन्ते, हितकर वीर सिंह कंसाकारपिंत बाखं मिले याकाः नेपालभाषाया सेवा यायेत ब्वाँय् जुयाच्चन। हानं उगु इलय् छँ दुने अंशबन्दाया खँय् ल्वापु भन् भन् तच्च्या वयाच्चबलय् सुवर्णकेशरीयात थः सुं हे हाःनाः मदुम्ह थें जुयाच्चन। अथे जुयाः म्वाये हे मास्ति मवयाः न्हापा छकः पाँचखालय् गुँभवय् वंवल्य अन हे हुनुनु सः वयेकः तजाःगु खुसि न्ह्यानाच्चंगु लखय् क्वब्वाना सिना वने धयागु बिचाः।

गुँभवय् वंम्ह सुवर्णकेशरी पुष्प चित्रकार ब्वनेत धकाः बिउगु सफू लित बीत नं ज्वनावगु जुयाच्चन। सफू लित बिल। पुष्प चित्रकार सफू फर पुइकाः स्वल। गनं ब्वंगु चिं मखन। ब्वनाः गनं चिं तयातःगु मखनाः न्यन- 'मब्बसे लित हयागु लाकि छु ?'

वय्कःया न्ह्यसः न्यनाः सुवर्णकेशरी वाताहाँ च्वनाः छुं हे लिसः बीमफुत। छ्यं क्वलुकाः सुम्क च्वन। अबलय् वय्कल थःत थम्ह हे थःगु ख्वाः गथे जुल थुइके मफुत।

सुवर्णकेशरीया ख्वाः ब्वनाच्चंम्ह पुष्प चित्रकार तिजक खँ छुनाहल, 'सुवर्ण, तंचाये मते जिं छगू धाये ... ? तःन्हु न्ह्यः निसें छन्त छगू खँ कने धकाः च्वनागु खः, तर धाये मफयाच्चन।'।

न्ह्यसः तल सुवर्ण - 'छु खः ?'
'छ तंचाये मखु खः ला ?'

'छाय तंचाये माःगु दु' चिसःगु सः पिदन।
'छन्त यक्व न्ह्यवनिसें ययेकाच्चनागु खः, धाये जक मफयाच्चन। छ नाप हने दःसा दः सुख जुइ, आनन्द जुइ, जिगु जीवन थहां वइ ...।'

खँ न्यनाच्चंम्ह सुवर्ण सुम्क न्यना हे जक च्वन। जिल्ल जुल। पुष्प सुवर्णया मिखा लःलः धाःगु खन। न्हाय्चक्का ह्याउँ ह्याउँ धायावःगु नं खन। सुवर्णया ख्वाः स्वयाच्चंम्ह पुष्पयात छु याये, छु धाये जुल। ग्यासें वल। अथेसां म्हुतु चायेका यंकल, 'छ मयःसां छुं मपाः। न्हापा थें व्यवहार याये। छुं पाइ मखु।' पलख दिनाः थःगु खँवःत न्ह्याका यन, 'जिं छ नाप जीवन हनाः सुख, आनन्द बी फइ मफइ धकाः तसकं ग्याः।'।

लिसलय् सुवर्ण धाल, 'जितः विश्वास दयाः हे ययेकागु खः। छ नाप जीवन हने दःसा जिगु जीवन नं बांलाइ, अवश्य नं जितः विश्वास दु।'।

'अथे खःसा जिउ। छक्वलं क्वःछी मते। छं तसकं मिले जूम्ह पासालिसे सल्हा साहुति कयाः जक लिसः बिउ।'।

पलख निम्ह सुम्क।
'सुवर्ण थन वा सा' पुष्पया न्ह्यसलं सुवर्ण अकमकय् जूगु खनाः पुष्प थःगु खँ तनायन, 'ग्याये म्वाः, छं दः ययेकल, जिं छन्त ययेकासा छाय ग्यायेमाःगु।'।

सुवर्ण पलख सुम्क च्वनाः लिसः बिल, 'जिउ, पासायाके न्यनाः लिसः बी।'।
कन्हय्कुन्दु सुवर्ण पुष्पया छँय् लिसः ज्वनाः वल। पुष्प सुवर्णया ख्वाः भचा पाःगु खनाः न्यन, 'छु धाल ले ?'

सुवर्ण चिसलं लिसः बिल, 'पासां छं पुष्प नाप जीवन हनेमाः। त्वःते मते। त्वःतलाकि छं दुःख सी धाल।' थुलि धयाः पुष्पयात त्वालां स्वल।

छगू नुगलं प्रस्ताव तल, मेगु नुगलं प्रस्ताव ययेकल। मतिना जुल। निम्हेस्यां अय् थय् धाये मफुत। निम्ह भंगः पछि ब्वः थें ब्वल मतिनाया सर्गतय्।

तर भाजु जुल चित्रकार, मय्जु जुल तुलाधर (उदाय्)। उगु इलय् नेवाः नेवाः दथुइ नं अन्तरजातिय ब्याहा तसकं म्हो। उकिसनं उदाय्तसें थः स्वयां बेजातम्ह जिलाजं स्वीकार

सम्पादकीय

शुक्रवाहदा तँगादी

मतिनाया ब्यालेन्स सिट

संसारय् मतिना हे छगू जक अज्याःगु वस्तु खः गुगु न कायेगु इच्छा यानां काये खनी, न बीगु इच्छा यानां बी खनी। गबलें धाःसा बिया धकाः मच्चंसां नं बीधुंक्क लानाच्चनी, कया धकाः मच्चंसां कायेधुंक्क लानाच्चनी। गबलें बी धकाः स्वःसां काइम्ह दयाच्चनी मखु, काये धकाः स्वःसां बीम्ह दयाच्चनी मखु। मतिनाया कालबिल धाथें अजु चायापु।

उकिं गुलिं विद्वानतय्सं धायेगु याइ, मतिना न कायेगु वस्तु खः, न बीगु वस्तु। थ्व ला केवल यायेगु वस्तु खः। बस, नुगलनिसें यायेगु। मतिना यायेबलय् न काइम्ह दयेमाः धइगु दु, न बीम्ह दयेमाः धइगु दु। काइम्हेस्यां कायेमा वा मकायेमा। बीम्हेस्यां बीमा वा मबीमा। कायेगु व बीगुया पर्वाह मयासे गुगु याइ, सखे वहे मतिना खः। कायेगु व बीगुयात ध्यानय् तयाः मतिना हे याःसां व मतिना जुइ मखु, व ला कारोवार जुइ। मतिना कारोवार मखु।

तर संसार हिलेधुंकल। कारोवारय् मतिना व मतिनाय् कारोवार आः बराबर धइथें जुयाच्चंगु खनाच्चन। उकिं संसार हिउ थें आः मतिना नं कारोवारय् हिहिउँ वनाच्चंगु दु। मतिनाय् कारोवार थुलि हावी जुइधुंकल कि आः बिना कारोवार मतिना धइगु हे जुइ मखुत। कारोवाराया आधार खः ल्याःचाः। ल्याःचाः पाय्छि मजुल कि कारोवार स्यनी। आः मतिना नं ल्याःचाः स्वयाः जक याइगु जुयाच्चन। कायेगु व बीगुया ल्याःचाः पाय् छि जूसा मतिना जुइ। मखुसा अहँ। थौया मतिना 'लभ लेटर' च्वयाः मखु, 'ब्यालेन्स सिट' स्वयाः जुइ। भावना, समर्पण व विश्वास स्वयाः मखु, डेविड, क्रेडिट व नेट प्रोफिट स्वयाः मतिना सञ्चालन जुयाच्चंगु दइ।

सखे थ्व मतिनाया डिजिटलाइजेशन खः। तुरुन्त हे एकाउन्ट चायेकी, तुरुन्त हे डिलिट जुइ। उकिं थौया मतिना छन्हुया भ्यालेन्टाइन्स डे स्वयां ताहाकः जुइ मफु। वन डे क्रिकेट थें, वन डे मतिना !

मयाः। उकिं गुलिखे मतिनामिपिं थजात क्वजातया हुनिं यानाः थःगु मतिनाया हत्या याःगु खँ नं न्यने दु। खला वय्कःपिनि मतिनाय् नं पंगः मवःगु मखु। वय्कःपिनि स्वच्छगु मतिनायात फायेगु लागि थीथी ग्वसाः नं ग्वःगु जुयाच्चन। मिजपाखें स्वयां मिसापाखें यक्व पंगः वःगु सीदु। सुवर्ण केशरीया मां (निनि) पाखें सिक्क ह्ययेकूगु खनेदु उमिगु मतिनायात त्वाःथलेत।

'छन्त ला वया सिकं बांलाःपिं, तःमिपिं भोगु जातयापिसं धायेके हयाच्चंगु दु। मिजया छुकिया धन्दा छन्त।'।

थुकिया लिसलय् सुवर्णकेशरी मांयात लिसः थुक्थं बिउगु जुयाच्चन, 'जिं मेपिं लिसे ब्याहा यात धाःसा स्वम्हेसिगु जिन्दगी बरबाद जुइ।' थ्वयां लिपा पुष्पनाप इहिपा मयाक्रेत वलिसे ब्याहा यात कि छन्त जात मिले मजूमह मिसा धकाः गनं नं पुजाय् दुत काइमखु। सीबलय् सीबाजं तकं दइमखु धकाः ख्याच्चः तकं बिल। थुगु ख्याच्चलं मयासे लिसः बिल, 'म्वाःबलय् ला बाजं थाकाः ब्याहा याये मखं धाःसा सी धुंकाःया छु खँ।'।

थुलिं जक मगानाः छम्ह हनेबहम्हेस्यां पुष्पया बारे नानाकथं मखुगु मखुगु खँ न्यंकाः नुगः फाता पुइकेत तकं स्वल। व मिजं न्ह्याबलें बहनी तिंखलय् छम्ह मिसालिसे चाःहिउ वइ। थुलि जक मखु अय्सा छं दौछं तक ब्याहा याये मखु धा। लिपा व हे मिसा नाप ब्याहा याइ स्वले धकाः परीक्षा कायेत धाल। धार्धा न्ह्याक्व धाःसां मजियाः अन्तय् स्वस्वखं बेजातयात बियाछ्वये फइमखु जिं, छिमि चिरिमांयात इहिपाया खँ धाः हँ धाल।

त्यं खुगूगु पृष्ठय्

नुगलं नुगः

यल उमि।

म्हुतुं खँवः

मब्बं।

मतिनाय्

तकर्यापिनि

दकलय्

ग्यानापुगु

क्षण धयागु

हे मतिनाया

प्रस्ताव तयेगु

क्षण खः।

सुकुमेल नयाया भित्ता फाइदा



माउथ फ्रेसनरया रुपय्

यदि छि थःगु म्हुतु नवइगु जुयाच्चन धाःसा छिं सुकुमेलयात माउथ फ्रेसनरया रुपय् छ् यलादीफइ। थ्व छता तसकं हे बांलाःगु माउथ फ्रेसनर खः। छ्गः सुकुमेल म्हुतुइ तयातयेबलय् छवे छिगु म्हुतु नमवइगु जुइसा मेखे छितः खँ ल्हायेगु इलय् आत्मविश्वास नं दयावइ।

पाचन शक्ति बल्लाकेत

गुलिं गुलिं मनूतय् जा नये धुनेवं सुकुमेल छ्गः क्वाप्प म्हुतुइ तयेगु बानी दयाच्चनी। थ्व बांलाःगु बानि खः, छायाःसा सुकुमेलं पाचन शक्ति बल्लाकाबी। जा नये धुनेवं सुकुमेल छ्गः नयेगु यातकि प्वाः फुंफुं च्वनीगु, प्वाः स्याइगु, अपच जुइगु आदि समस्याया सामना यायेमाली मखु।

च्याया सवाः शकारेत

आतक यदि छिं च्याय् सुकुमेल छ् यलेगु यानामदियानिसा छक्वः सुकुमेल जरुर हे छ्यलादिसँ। थुकिं च्याया सवाः यक्व हे थक्याबी। छिं च्याय् सुकुमेल छ्यलेगु यानादिल धाःसा छिकपिनि पाहाँपिसं छिगु ल्हातं दयेकूगु च्याया तारिफ मयासे च्वने फइ हे मखु।

हिक्कु दिकेत

गबलें गबलें आकाभाकां हे भीत हिक्कु वयेगु सुरु जुयावइ, गुकिं यानाः थःत व थःगु न्ह्यःने च्वंम्व मनूयात नं चिन्तित यानाबी।

हिक्कु दिकेगु छुं हे वासः मदु। थनथाय् लाक्क हे ज्या वइ, छ्गः चिकिचाग्वःगु सुकुमेल। छितः हिक्कु वयाच्चंगु दुसा सुकुमेल छ्गः म्हुतुइ तयाः न्ह्ययाच्चनादिसँ, हिक्कु वयेगु दिनावनी।

नुगःस्यें सम्बन्धी ल्वचय्

वैज्ञानिकतयगु धापू कथं सुकुमेलय् छुं छुं अज्याःगु तत्व दु, गुगु छुं कि छुं कथं नुगःस्येंयात मदयेक मगाःगु जुयाच्चनी। निहं छ्गः सुकुमेल नयेगु यानच्चन धाःसा भीगु नुगःस्यें सुथां लाक्क ज्या यानाच्चनी। डाक्टरतयगु धारणा दु कि यदि भीसं निहं छ्गः सुकुमेल नयेगु यानाच्चन धाःसा भीगु नुगःस्यें सम्बन्धी बछि स्वयां अप्वः ल्वय् कम जुयावनी।

म्हया सुक्कुय् यायेत

भीगु म्हय् मदिकक अज्याःगु पदार्थ दयाच्चनी, गुगु कि भीगु म्हयात अनावश्यक खः। थज्याःगु पदार्थ भीगु म्हं पित छ्वयेगु तसकं जरूरी जुइ। थज्याःगु पदार्थ मुनाच्चनकि म्हय् अनेतने न्हून्हूगु ल्वय् जुयाच्चनी। छ्गः चिकिचाग्वःगु सुकुमेलं थज्याःगु अनावश्यक व हानिकारक पदार्थ भीगु म्हं पितछ्वयेत भीत ग्वाहालि यानाच्चनी।

म्हय हि मगाः मजुइकेत

थौकन्हय् मनूतयगु दिनचर्या हे थज्याःगु जुयाच्चन कि गुकिया कारणं न्हियान्हिथं न्हून्हूगु ल्वचं कइगु जुयाच्चंगु दु। थौ मनूतयूत हि

मगाइगु धयागु नं सामान्य खँ थें जुइधुंकल। मिसातयूत थ्व समस्या भचा आपाः हे दु। मिसात नं थौकन्हय् पिहां वनाः ज्या यायेमाःपिं जुयावःबलय् उमिसं थःगु स्वास्थय् गुलि ध्यान तयेमाःगु खः, उलि तये फयाच्चंगु मदु। थुकिं यानाः उमित हि मगाइगु ल्वय् एनिमिया जुइगु जुयाच्चंगु दु। सुकुमेलय् अज्याःगु दक्वं तत्व दु, गुकिं भीगु म्हय् हि मगाः मजुइकेत ग्वाहालि यानाच्चनी।

कथु वालावाला ममिकेत

चिकुलां आपाःसित कथु वालावाला मिनिगु जुइयः। धायेत ला थ्व छता साधारण समस्या जक खः धाइ, तर थथे जुइबलय् साप हे सुख दइमखु। कथु वालावाला मिनीगुयात लंकेगु घरेलु उपाय खः- बहनी घने त्ययेकाः सुकुमेल छ्गः नयेगु। बहनी घनेगु इलय् क्वाःलःलिसें सुकुमेल नयाबिल धाःसा कथु वालावाला मिंगु यक्व हे क्वलाइ। लिसें मुसु वःगु व कथु स्याःगु नं लनी।

न्ह्यापु बल्लाकेत

थौकन्हय् मस्तयूके थ्व समस्या आपाः हे खनेदया वयाच्चंगु दु। मां-बौपिं मस्तय् ल्वःमनिगु समस्या खनाः साप हे दिक्क चाइ। न्ह्यपुयात बल्लाकेत अप्वः थें मस्याबरांया हे ग्वाहालि कायेगु याः। भीसं थ्व ल्वःमंकाच्चना कि न्ह्यपु बल्लाकेत सुकुमेलं नं ग्वाहालि याः। भीसं मस्याबरांया लिलेसिलिसें सुकुमेलया नं सेवन यात धाःसा दोब्बर फाइदा जुइ।

थुकिया निर्ति छ्गः सुकुमेलया पुयात निगः स्वंगः मस्याबरां व निगः स्वंगः पेस्ता लिले निनादिसँ। आः थुगु मिश्रणयात छगू गिलास दुरुइ तयाः क्वाकादिसँ। दुरुइ चिनिया थासय् मिश्री छ्यलादिसँ। थ्व दुरु त्वंकाबिल धाःसा मस्तयगु दिमाग एकदम हे बल्लाइ।

छयं स्याःगु व तनाव जुइगु तापाइ

थौकन्हय्या व्यस्त जीवनय् छयं स्याइगु नं सामान्य खँ थें जुइधुंकल। म्वायेकं म्वायेकं नं भी तनावय् लानाच्चनी। छयं स्याःगु व तनावयात कम यायेत भीसं वासःया ग्वाहालि कायेमाली। गबलें गबलें थज्याःगु वासः कायेगु कारणं थ्व लत थें हे जुयावनी। भीत छयं स्याःगु अबलय् तक क्वलाइमखु, गबलय् तक भीसं वासः नइमखु। यदि छिं निहं छ्गः सुकुमेल नयेगु यानाच्चन धाःसा छिं थ्व समस्याया सामना यायेमाली मखु।

साहित्यकार सुवर्णकेशरी व पुष्प चित्रकारया मतिनाया बाखं

निगगू पृष्ठं ल्यं

थुलिं नं मगानाः छपुचः पासापिं छ्वया हयाः वय्कः व वय्कःया छँया बारे मखु मखुगु बांमलाःगु खँत च्वयाः पौ तकं बिइके हल। व पौ चिरिमांयात क्यन। व पौ ब्वनाः वय्कः प्रति सुवर्णकेशरी भं आकर्षित जुल। मामं (निनिं) बियाछ्वइगु ला ख हे मखुत। चिरिमां नं थःथाय् छँय् भ्वय् नकाः स्वयंबर यानाः बियाछ्वयेगु खँ क्वःछित। भ्वजय् पाजुपिं निम्ह बाहेक थःथितिपिं सुं मवः। अफिसया पासापिं व साहित्यिक पासापिं जक थ्यन। पय्नं बियाः भ्वजय् ग्वाहालि यायेत पुष्प चित्रकारं सुवाःत व ज्या याइपिनिगु व्यवस्था तकं याःगु जुल। लिसें साहित्य ख्यःया किजापिं गणेश साय्मि, एम.के. कल्पित, भाइकाजी तुलाधर, रामभक्त भोमि, धर्मदास, मणिगोपाल,

तसकं थाक्। पासापिं नाप आखः ब्वंवेनेगु धकाः कापि ज्वनाः पिहां वनाः साहित्य सम्मेलन, मिटिङ्ग, भाषिक आन्दोलनय् ब्वति काः वनेमाः। इहिपा लिपा थज्याःगु भंभटं मुक्त जूगु थें ताल। जिं इहिपा याना वयागु छँ माजुं निसें फुक्क फुक्क हे न्हगु बिचाःयापिं जूगुलिं जितः तसकं हे याउँसे च्वन।'

अथे हे पुष्प चित्रकारया धापू कथं - 'जिमिसं मतिना याये न्ह्यः बांलाक बिचाः याना- व खः शिलस्वभाव, आनिबानि आदि फुक्क फुक्क छम्हेस्यां मेम्हेसित बांलाक म्हसीकाः तिति इहिपा यानागुलिं जिमिगु जीवन न्हापा सिबें नं न्ह्यइपुक-यइपुक सुखमय कथं जीवन न्ह्याकाच्चना। फुक्क मिलय्चलय् जुयाः शान्तिनक्सां छँ न्ह्यानाच्चन। सुखमय

जीवन धइगु थ्व खः भाःपियागु दु।



वसन्तलाल आदिआदिपिसं नं यक्व हे ग्वाहालि याःगु जुयाच्चन। भमचा जुइत ग्वाहालि याःपिं पुष्प चित्रकारया म्हायूचा सुलोचना वयाः समाः यानाबिल। अथे हे समाःज्वलं सकतां मिसा पासापिसं हयाबिल। पयनं बियाछ् वःगु भ्वय् नयाः साहित्यकार भाजुपिं फुक्क पुष्प चित्रकारया छँय् वनाः लँस्वः वल। स्वय् म्बर सिधयेकाः थःछँ पाखें पित बिल। छुं खास ल्वापुख्यापु मजुइक न्ह्यइपुक पुष्प चित्रकार व सुवर्णकेशरी तुलाधरया इहिपा क्वचाल। वि.सं. २०३४ सालय् मतिनामित भाजुमय्जु जुल। लिपा हानं मां (निनिं) पाखें तःजिक भ्वय् न्यायेकाः भाजुयात छँय् दुचायेकल। थुगु भ्वजय् सकल थःथितिपिसं ब्वति काल। लयूतायाः भ्वय् जुल। थ्व नं छगू उदाहरणीय इहिपा खः उदाय समाजय्, पुं समाजय्। ब्याहा न्ह्यः व ब्याहा लिपाया खँय् सुवर्णकेशरी धयादी, 'ब्याहा याये न्ह्यः छँनं पिहां वनेत

धाथें धायेगु खःसा मतिना वय्कःपिनि थें जुइमाः। वय् कःपिं थें आदर्श मतिनामिपिं जुइमाः। सकल मतिनामिपिं भीगु समाजय्। नेपालभाषा साहित्य छ्यलय् ज्वःमदुगु मतिनामिपिनि दसि कथं कायेमाःसा भाजु चित्रकार व मय्जु तुलाधरयात कायेफु।

ऐश्वर्य आनन्द नं थ्व हे खः धकाः तायेकाच्चना।'

धाथें धायेगु खःसा मतिना वय्कःपिनि थें जुइमाः। वय् कःपिं थें आदर्श मतिनामिपिं जुइमाः। सकल मतिनामिपिं भीगु समाजय्। नेपालभाषा साहित्य छ्यलय् ज्वःमदुगु मतिनामिपिनि दसि कथं कायेमाःसा भाजु चित्रकार व मय्जु तुलाधरयात कायेफु।

सात साल लिपाया सात महिना

इतिहासय् छगू बिस्कगु घटनायात कयाः भाजु योगेन्द्रमान श्रेष्ठं च्वयादीगु

सात साल लिपाया सात महिना

बू ४००/- (चयसः तका जक)

ब्वनादिसँ / ब्वकादिसँ

छँय् छँय् थ्यंकेगु व्यवस्था दु।

स्वापू ९८५१०९९४७२, ९८४१९६५५२१